

XANERAMŌJA PARAGETĀ

Textos:

Gilson Tenywaawi Tapirapé
Professor Pesquisador

Ilustrações:

Gilson Tenywaawi Tapirapé
Professor Pesquisador

Kaxowari'i Tapirapé
Professor Alfabetizador

RESUMO

‘Ă te’omara a’era mō xexema’eparepy, āapa ’ă wekawo xerexekaxeka xema’ejpe maxywaatyāwa mō. Te’omara ekwe aixagakāt Xaneramōja paragetā, ā rakaē xiroto Topaxo agy Xyreni ne axaa’yraokare. Iexagakāta xerexywaaty, ma’era taē aoxekato xanereka, tarywa rereka ramō konomi Takāra epexynawē’yma. Emanyn imaxywaatywo maragetā pitywera ma’awete ramō. Ipyrowo marama’ēara te’omara xema’ejpe, iapawo ite’omaāwa ramō inoga ywyrape pe maragetā.

Palavras chave: Tarywa. Maragetā Xema’ēawa ramō.

XANERAMŌJA PARAGETĀ

Ipy ramō ro’ō rakaē irewee axyga.

Aē ro’ō rakaē Xyreni aka irewee axyga ramō takaripe. Aē ro’ō rakaē tyke’yra “Topaxo” a’ym a’ywyrapāra iypa takaripe ranō.

Aè roõ rakaë Xyreni raty aa'opa mae,aakopaxi pae. Aè roõ rakaë amamyrõ akawo imemyra awyropiopi.

- Noripã 'ãwo api? Axãwo.

- Yni! E'i roõ rakaë irekawo ixope.

Awã wexe roõ ike'i aawo ranõ.

- Noripã 'ãwo api? Axãwo.

Awã wexe roõ ike'i aaworanõ.

- Nori pã 'ãwo api? Axãwo.

- Nori 'ãwo ney! Axãwo ixope.

-My tá aè ramõ ika'i newi? E'i roõ irekawo ixope koxywera. Kwe roõ ia 'opa mae, axamamokamokãwo xe aakopaxi ne.

Aèra roõ rakaë ia wowa we weakwa rewa ramõ takãrarakeni me.

- Xeropy, xeropy, xeropy! E'i roõ rakaë aawo.

Aèroõrakaë takeni me a'ym Topaxo, aywyrapãra iypa.

- He, he, he! E'i roõ rakaëixope.

-Hããã, hããã, hããã!!! E'iixe'i roõ ahyjta aawo. Pe aawo imamyrõwo ranõ. Aè roõ rakaëo rieranõ.

- Xeropy, xeropy, xeropy! Axãwo.

- He, he, he! E'i roõ ixope ranõ.

Aè ramõ roõ rakaë aywyrapãraiwyete, iakwa'akaixokaãwaramõ. Aè roõ rakaëaaranõ, maapãp.

- Xeropy, xeropy, xeropy! E'i roõ aawo ranõ.

- He, he, he! E'i roõ ahyjta ixope aawo.

- Xak! Ixomanaka'i roõrakaë.

- Xoorok! Iexipikotoka'i roõ rakaë, aywyrapãra ramõ iapapyrape.

Á roõ rakaë gyi rakwaema irekawo.

- Ky, ky, ky, ky, kyyyyyy!

- Hiiiiiiiie! E'i roõ irekawo, takãra rakopiã imawãka.

Aè roõ rakaëtowa axaj'a amarakãwo akawoe. Marygato mõtaè, nipaawiemigãwi.

Hahia he, hehe;

Hahie he, xera'yra! E'iroõiawyjxewomarakã.

-Maryn papa axyga, wa'yra re xei xaj'a akawo kyyy! E'i roõ ixope ixokaãra.

-Maèra pã nerejxaki'i ememyraxewe hi! E'i roõa kawo a'wywyteray ramõwaty we. Kaaroka ramõ roõ emixe arywa (Ireweeaxyga). Á roõ rakaë apata, axokã roõ rakaë aawowaty.

Kaaroka ramō roōrakaē irapari pityga ranō, awyropiopi iraāwo irekawo, ira'apokājta, imawāka tāwa. A'ewi iraāwo takawyteripe ranō.

- Ky, ky, ky, ky, kyyyyyy!

- Hiiiiiii! Ika roō gy.

Ā roō rakaē a'ere irakewo takaripe. A'e kwera ropi roō mi iraāmaapata irekawo tapi.

A'ere roō rakaē gy ia awara'i imota, ta'yra axygepykawyma.

Amaenyn pane roō rakaē Topaxo wa'yra re irekawo, namaatāakāri, awyripexe pane irekawo.

A'e roō rakaē Xyreniaa 'yna takaripe, amaenyna ta'yra paawa re. Ixope xeroō rakaē ipari, a'eroō rakaēi katykatye'ym apat awara'i pe. Kwewixe 'ota, i'awo ixowi takena, ake rapa xewi rea xāwo.

- Ho, ho, ho, ho! Axāwo. Ixomanakaa'egā ranō, wa'yra xokaaweri mō. Iejkwakotokaa'egā ranō, ka iraawo takaripe. Emanyn roō a'egā ireka ranō, takaripe ira'apokājta, a'ere tāwa imawāka.

A'eroō rakaē amaxawāj ywykwera, Wyraxiga katy amō, Araxā katy amō. Araxāroō rakaē pane a'egy.


A'ere roō rakaē ia ataāra mōgy ranō. A'era roō xe rakaē a'egy ipari axaopi. A'eperoō xe rakaē ixaxokā, marygato roō xe rakaē ixawereka. 'Y peroō e rakaē ixaweraāri, naowi roō rakaē wyrā.

A'era roō mi Xyreni ikwāwi 'y ropi. A'e wi roō ā xirekaxerexarywaramō "Xaneramōja xāwa mō".

alafaxi ne kaāwa




Konomi ni marroāwa



Takaripe Poraajtawa





ywyrapara hypana

